

而嘉之病死詔置蠶於甘泉宮署曰休屠王閼氏日磾每見畫常拜向之涕泣然後廼去莽何羅兄弟爲逆日磾挫何羅殿下繇是著忠孝節日磾自在左右目不忤視者數十年賜出宮女不敢近上欲內其女後宮不肯其篤慎如此上尤奇異之及上病屬霍光曰輔少子光讓日磾日磾曰臣外國人且使匈奴輕漢於是遂爲光副武帝遺詔封日磾侯不受封輔政歲餘病困大將軍光白封日磾侯授印綬薨賜葬具冢地謚曰敬子賞爲奉車建爲駙馬都尉及賞嗣侯佩兩綬上謂霍將軍曰金氏兄弟兩人不可使俱兩綬邪霍光對曰賞自嗣父爲侯耳上笑曰侯不在我與

新續渭南縣志

卷八 人物志

二

將軍乎光曰先帝之約有功廼得封侯時年俱入九歲宣帝卽位賞爲太僕元帝時爲光祿勳亡子國除元始中封建孫當爲日磾侯奉日磾後日磾弟倫字少卿爲黃門郎子安上字子侯惇篤有智宣帝愛之與發舉楚王延壽反謀賜爵關內侯食邑三百戶後霍氏反安上傳禁關無內霍氏親屬封爲都成侯至建章衛尉薨賜冢塋杜陵子常儼岑常光祿大夫儼衛尉儼爲人正直敢犯顏色左右憚之唯上亦難焉病甚上使使者問所欲曰弟岑爲託上召岑拜爲郎使主客儼三子涉參饒涉明經儼節諸儒稱之至長信少府參至東海太守饒爲越騎校尉涉兩子湯龍皆

侍中諸曹將大夫而涉之從父弟欽舉明經至太中大夫給事中欽從父弟遷爲泰山弘農太守著威名徵爲大司徒司直京兆尹封都成侯以罪自殺更封長信少府涉子右曹湯爲都成侯欽弟遵亦封侯歷九卿位

前漢書

汪志案金日磾史但言賜冢地不指在何縣惟太平寰宇記以爲卽渭南金氏陂考陂名見於水經註隋唐二書地里志其來已久竟以爲日磾未必無據且日磾乃休屠後裔今縣西南有胡城陂長安志以爲舊說休屠部落居於此因得名休屠之部爲日磾灼灼可見寰宇記又引三輔決錄以爲金本下邳人則胡城陂者卽日

新續渭南縣志

卷八 人物志

三

磾所居之地矣今案汪志所考似近理而實謬胡城在縣西南金氏陂與下邳皆在縣北且長安志明言休屠部落何嘗云休屠王子耶當時降漢者部落甚衆故築城處之稱侯墓地近其部落所在自是當時實事而子孫亦遂相因爲下邳人矣備錄稱侯子姓者爲其爲下邳人故也

太守南公曰昔卜子夏稱竭立事父母致身事君者謂之學今觀金日磾蔡順周處三子者之履行庶幾子夏所謂矣夫日磾雖狄人與順其稟賦之良亦天性然也若處者縱情肆慾與猛獸毒蛟並害一旦改勵修行卒

以忠義著節即受詔討賊慷慨就道以身殉國所稱殺身成仁舍生取義處無愧焉實由一念改勵之志基之也

按金日碑蔡順周處均非邑人舊志祀諸鄉賢今仍之蔡順字君仲汝南人少孤事母至孝嘗出求薪客卒至母望順不還乃噬其指順即心動馳歸值王莽末中原大亂奉母入關居邑之廣原鄉會歲飢人相食採桑椹以養遭赤眉賊將殺之見桑椹赤黑異器問其故順曰黑者供母赤者自食賊驚曰孝子也乃縱之歸母沒因廬墓側母生畏雷每雷震必環塚泣曰順在此郡縣舉孝廉不就卒葬

新續渭南縣志

卷八

人物志

四

母墓右後人名其村曰孝村里曰孝子里焉舊志

王丹字仲回下邳人王莽時連徵不至隱居養志好施周急每歲農時輒載酒肴于田間候勤者勞之其情嫻者恥不致丹皆兼功自厲邑聚相率以致殷富其輕黠游蕩廢業爲患者輒曉其父兄使黜責之沒者則賻給親自將護其有遭喪憂者輒待丹爲辦鄉鄰以爲常行之十餘年其化大洽風俗以篤丹之性方潔疾惡疆豪河南太守同郡陳遵自以知名欲結交於丹丹拒而不許會前將軍鄧禹西征關中軍糧乏丹率宗族上麥二千斛禹表丹領左馮翊稱疾不視事後徵爲太子少傅時大司徒侯霸欲與交

友及丹被徵遣子昱候于道昱迎拜車下丹下答之昱曰家公欲與君結交何爲見拜丹曰君房有是言丹未之許也丹有子同門生喪親家在中山白丹欲往奔慰結侶將行丹怒而撻之令寄縑以祠焉或問其故丹曰交道之難未易言也世稱管鮑次則王貢張陳凶其終蕭朱隙其末故知全之者鮮矣時人服其言客初有薦士於丹者因選舉之後所舉者陷罪丹坐以免客慙懼自絕而丹終無所言尋復徵爲太子太傅乃呼客謂曰子之自絕何量丹之薄也相待如舊後漢書

案王丹與宣秉張湛諸人同傳且贊之曰奉身清方今

新續渭南縣志

卷八

人物志

五

雖未祀鄉賢自宜補入

周處字子隱三國時陽羨人父魴鄱陽太守處少孤遭吳中多難避地元象山隱居焉處時未弱冠膂力絕人好馳騁田獵不修細行里曲患之處謂父老曰今時和歲豐何苦不樂父老嘆曰三害未除何樂之有處曰何謂答曰南山白額猛獸長橋下蛟並子爲三矣處曰若此爲患吾能除之乃入山射殺猛獸因投水搏蛟經三日夜人謂處死皆相慶處乃殺蛟水盡赤處既反始知人患己之甚於是復入吳訪二陸勵志好學志存義烈言必忠信克已期年州府交辟仕吳爲東觀左丞及吳平王渾謂吳人曰諸君

亡國之餘得無感乎處對曰漢末分崩三國鼎立魏滅於前吳亡於後亡國之感豈惟一入渾有慙色入維稍遷新平太守撫和戎狄叛羌歸附轉廣漢太守郡多滯訟有經數十年不決者處詳其枉直一朝決遣以母老罷歸尋徵散騎常侍居近侍多規諷遷御史中丞凡糾劾不避寵戚梁王彤違法處深文按之及氏人齊萬年反朝臣惡處彊直皆曰處吳名將子忠烈果毅乃使隸夏侯駿西征伏波將軍孫秀勸處以母老辭處曰忠孝不兩全今日是我死所也萬年聞之曰周府君才兼文武若專斷而來不可當受制於人此成擒耳既而梁王彤爲征西大將軍督關中

新續渭南縣志 卷八 人物志

六

諸軍處知彤必陷已乃悲慨卽路志不生還時賊屯梁山衆七萬而駿適處以五千兵擊之處曰軍無後繼必至覆敗徒爲國恥時處軍尙未食促令速進而絕其後繼自日及暮斬首萬計弦絕矢盡左右勸退處按劍曰此吾效節授命之日何退爲遂力戰而沒追贈平西將軍處子玘元帝嘉其頻興義兵乃以玘行建威將軍吳興太守封烏程縣侯當諸氏叛時秦人遭其荼毒處督兵西討授命死事忠臣大節凜凜貫日月矣秦人壯而思之又以嘗避地元象山陰有殺獸斬蛟功故立廟於峪口收處遺骸藏之廟中歲時致祭焉

晉吉朗蓮芍人愍帝時爲御史中丞西朝不守朗歎曰吾智不能謀勇不能死何忍君臣相隨北面事賊虜乎乃自

殺書

梁吉粉字彥霄蓮芍人世居襄陽粉幼有孝性年十一遭所生母憂水漿不入口殆將滅性親黨異之天監初父爲吳興原鄉令爲姦吏所誣逮詣廷尉粉年十五號泣衢路祈請公卿行人見者皆爲隕涕其父恥爲吏訊乃虛自引咎罪當大辟粉乃搥登聞鼓乞代父命高祖異之敕廷尉卿蔡法度曰吉粉請死贖父義誠可嘉但幼童未必自能造意卿可嚴加脅誘取其款實法度受敕還寺盛陳檄繆

新續渭南縣志 卷八 鄉賢傳

七

備列官司厲色問粉粉對曰囚豈不知死可畏憚顧諸弟稚藐唯囚爲長不忍見父極刑所以內斷胸臆上千萬乘殉身不測委骨泉壤奈何受人教邪明詔聽代不異登仙豈有回貳法度知粉至心有在不可屈撓乃更和顏以誘之曰主上知尊侯無罪行當釋去觀君神儀明秀足稱佳童今若轉辭父子同濟矣以此妙年苦求湯鑊粉對曰凡鯢鱗螻蟻尙惜其生况在人斯豈願齋粉但囚父挂深劾必正刑書故思殞仆冀延父命今瞋目引領以聽大戮情殫意盡無言復對粉初見囚獄掾依法備加桎梏法度矜之命脫其重械更令著一小者粉弗聽曰粉求代父死死

罪之囚唯宜增益豈可減乎竟不脫械法度具以奏聞高祖乃宥其父丹陽尹王志欲舉充純孝之選玃曰異哉王尹何量玃之薄乎夫父辱子死斯道固然若以此舉是因父買名一何甚辱拒之而止年十七應辟爲本州主簿出監萬年縣攝官期月風化大行後鄉人裴儉丹陽尹丞臧資揚州中正張仄連名薦玃以爲孝行純至敕付太常旌

舉梁書

唐張仁愿下邳人少有文武材幹武后時仕殿中侍御史有請立武承嗣爲皇太子者仁愿拒之後爲檢校幽州都督會突厥馱入寇攻陷趙定擁衆迴至幽州仁愿勒兵

新續渭南縣志

卷八 鄉賢傳

八

出城邀擊之流矢中手賊亦引退則天遣使勞問賜以醫藥累遷并州大都督府長史中宗還京以仁愿爲左屯衛大將軍兼檢校洛州長史時都城穀貴盜竊甚衆仁愿一切皆捕獲杖殺之遠近震懾無敢犯者初高宗時賈敦頤爲洛州刺史亦有政績故時人爲之語曰前賈後張可敵京兆三王其見稱如此突厥入寇朔方軍總管沙吒忠義爲賊所敗詔仁愿攝御史大夫代忠義統衆仁愿至軍而賊衆已退乃躡其後夜掩大破之先是朔方軍與突厥以河爲界河北岸有拂雲神祠突厥將入寇必先詣祠祭醮求福因牧馬料兵而後渡河時突厥馱盡衆西擊仁愿

請乘虛奪取漢南之地于河北築三受降城首尾相應絕其南寇之路中宗從之仁愿表留年滿鎮兵以助其功時咸陽兵二百餘人逃歸仁愿盡擒之一時斬于城下軍中股慄役者盡力六旬而三城俱就以拂雲祠爲中城與東西兩城相去各四百餘里皆據津濟遙相應接北拓地三百餘里於牛頭朝那山北置烽候一千八百所自是突厥不得度山放牧朔方無復寇掠減鎮兵數萬人仁愿初建三城不置壘門及卻敵戰格之具或問曰此邊城禦賊之所不爲守備何也仁愿曰兵貴在攻取不宜退守寇若至此卽當併力出戰迴顧望城猶須斬之何用守備生其退

新續渭南縣志

卷八 鄉賢傳

九

惡之心也其後常元楷爲朔方軍總管始築壘門以備寇議者以此重仁愿而輕元楷焉仁愿在朔方奏用張敬忠等多至大官時稱仁愿有知人之鑒景龍二年拜左衛大將軍同中書門下三品封韓國公尋加鎮軍大將軍睿宗卽位拜兵部尙書加光祿大夫卒贈太子少傅子之輔趙州刺史

舊唐書

王忠嗣太原祁人也家于華州之鄭縣初名訓以父死王事授尙輦奉御賜名忠嗣養于禁中及長嚴重有武畧元宗以其兵家子與之論兵應對縱橫皆出意表謂之曰爾後必爲良將河西節度使杜希望謀拔新城或言忠嗣之

材足以輯事必欲取勝非其人不可既下新城忠嗣功居多因授左威衛郎將轉知行軍兵馬是秋吐蕃大下報新城之役晨歷官軍眾寡不敵忠嗣乃以所部策馬而前左右馳突當者無不辟易出而復合殺數百人賊眾遂亂三軍翼而擊之吐蕃大敗以功最拜左金吾衛將軍尋擢至靈州都督是歲北伐與奚怒皆戰于桑乾河三敗之大虜其眾時突厥葉護新有內患忠嗣盛兵磧口以威振之又再破怒皆及突厥之眾自是塞外晏然虜不敢入進封清源縣公忠嗣少以勇敢自負及居節將以持重安邊為務嘗謂人云國家昇平之時為將者在撫其眾而已吾不欲

斤黃河兩縣志

卷八

鄉賢傳

十

疲中國之力以徵功名耳但訓練士馬缺則補之有漆弓百五十斤嘗貯之袋中示無所用軍中皆日夜思戰因多縱間謀以伺虜之隙時以奇兵襲之故士樂為用師出必勝又兼河東節度採訪使自朔方至雲中緣邊數千里當要害地開拓舊城或自創制斥地各數百里以持節充西平郡太守判武威郡事充河西隴右節度使又權知朔方河東節度使事忠嗣佩四將印控制萬里勁兵重鎮皆歸掌握自國初以來未之有也尋遷鴻臚卿餘如故又加金紫光祿大夫後頻戰青海積石皆大尅捷尋又伐吐谷渾于邊離虜其全國而歸元宗方事石堡城詔問以攻取之

畧忠嗣奏云石堡險固吐蕃舉國而守之若頓兵堅城之下必死者數萬然後事可圖也臣恐所得不如所失請休兵秣馬觀釁而取之計之上者元宗因不快李林甫尤忌忠嗣日求其過會董延光獻策請下石堡城詔忠嗣分兵應接之忠嗣僂俛而從延光不悅及延光過期不剋訴忠嗣緩師故師出無功李林甫又令濟陽別駕魏林誣稱忠嗣欲尊奉太子元宗大怒徵入朝令三司推訊之幾陷極刑會哥舒翰代忠嗣為隴右節度特承恩願因奏忠嗣之枉詞甚懇切請以己官爵贖罪元宗怒稍解貶漢陽太守量移漢東郡太守暴卒追贈兵部尚書

新續渭南縣志

卷八

鄉賢傳

十一

白居易字樂天曾大父溫始為下邳人溫生鏗歷酸棗鞏二縣令鏗生季庚為彭城令時李正己據河南十餘州叛正己宗人洧為徐州刺史季庚說洧以彭城歸國因授大理少卿兼徐泗觀察判官歷衢州襄州別駕自鏗至季庚皆以明經出身季庚生居易以進士就試禮部擢昇甲科授秘書省校書郎應才識兼茂明於體用科策入第四等授盩厔縣尉召入翰林為學士又拜拾遺居易自以逢好文之主非次拔擢拜命之日即獻疏言事及淄青節度使李師道進絹為魏徵子孫贖宅居易諫曰徵是先朝宰相太宗賞賜殿材成其正室尤與諸家第宅不同子孫典貼

其錢不多自可宜中爲之收贖而令師道掠美事實非宜
憲宗深然之上又欲加河東王諤平章事居易諫曰宰相
是陛下輔臣非賢良不可當此位諤謂民財以市恩澤
與之宰相無益聖朝乃止王承宗拒命上令吐突承璀爲
招討使諫者十七八居易面諭辭情切至既而又請罷河
北用兵皆人之難言者上多聽納唯諫承璀事上頗不悅
謂李絳曰白居易是朕拔擢而無禮於朕朕實難奈絳對
曰居易所以不避死亡之誅無巨細必言者蓋懼陛下拔
擢耳非輕言也陛下欲開諫諍之路不宜阻居易言上曰
卿言是也由是多見聽納盜殺宰相武元衡居易首上疏

新續渭南縣志

卷八 鄉賢傳

三

論其寃急請捕賊以雪國恥執政惡其言事貶江州司馬
量移忠州刺史召還拜司門員外郎轉主客郎中知制誥
穆宗時制御乖方河朔復亂居易累上疏論其事天子不
能用求外任除杭州刺史秩滿除太子左庶子復出爲蘇
州刺史文宗卽位徵拜秘書監轉刑部侍郎封晉陽縣男
稱病東歸求爲分司官尋除太子賓客居易對策高第擢
入翰林蒙英主特達顯遇煥欲奮厲效報爲當路者所擠
流徙江湖四五年間幾淪蠻瘴自是宦情衰落無意於出
處唯以逍遙自得吟咏情性爲事罷杭歸洛時於履道里
得楊馮宅有林泉之致既罷歸每獨酌賦咏於其中開成

間授太子少傅進封馮翊縣侯以刑部尚書致仕與香山
僧如滿結香火社每肩輿往來白衣鳩杖自稱香山居士
書唐

白行簡字知退貞元末登進士第授秘書省校書郎盧坦
鎮東蜀辟掌書記後與兄居易自忠州入朝授左拾遺遷
主客郎中行簡文筆有兄風辭賦尤稱精密新唐書白
敏中傳
白敏中字用晦居易從父弟也祖鱗位終揚府錄事參軍
父季康深陽令敏中登長慶初進士第仕至殿中侍御史
分司東都武宗素聞居易之名及卽位欲徵用之宰相李
德裕言居易衰病不任朝謁因言敏中辭藝類居易卽日

新續渭南縣志

卷八 鄉賢傳

三

召入翰林充學士累至兵部侍郎學士承旨會昌末同平
章事兼刑部尚書集賢史館大學士宣宗卽位加右僕射
太原郡開國公及李德裕再貶嶺南敏中居四輔之首五
年罷相出爲邠州刺史懿宗卽位復輔政舊唐書
宋宋璠字寶臣渭南人父鸞監察御史璠乾德中進士及
第解褐青城主簿好寫書秩滿載數千卷以歸吳廷祚辟
掌書奏調下邽主簿擢著作佐郎知綿州太宗卽位改右
贊善爲峽路轉運副使還出知秦州安集諸戎部內清肅
雍熙初轉比部員外郎賜金紫授度支遷屯田郎中知益
州屬歲飢多盜璠至以方畧擒捕招輯盜皆首伏屏息淳

化中三吳歲飢疾病民多死命知蘇州璫體豐碩素病足
至州地卑濕疾益甚人或勸其謝疾北歸璫曰天子以民
病俾我綏撫我以身病而辭焉非臣子之義也璫性清簡
歷官三十年未嘗問家事惟聚書以貽子孫子明遠淳化
三年進士後爲都官員外郎次子柔遠亦舉進士及第垂
遠閭門祇候宋史

案宋史論曰未璫忘身以恤民其所履歷皆有足觀自
屬鄉賢之儔特補入之

寇準字平仲下邳人父相晉魏王府記室參軍準少英邁
通春秋三傳年十九舉進士太宗取人年少者往往罷去

新續涇西縣志 卷八 鄉賢傳

古

或教準增年答曰準方進取可欺君耶後中第授大理評
事知巴東及成安縣每期會賦役未嘗輒出符移惟具鄉
里姓名揭縣門百姓莫敢後期累遷殿中丞會詔百官言
事而準極陳利害帝益器重之擢樞密院直學士判吏部
東銓嘗奏事殿中語不合帝怒起準引帝衣令帝復坐事
決乃退由是嘉之曰朕得寇準猶文皇之得魏徵也淳化
二年春大旱太宗延近臣問時政得失衆以天數對準對
曰洪範天人之際應若影響大旱之證蓋刑有所不平也
太宗怒起入禁中頃之召準問所以不平狀準曰願二府
至臣卽言之有詔召二府入準乃言曰頃者祖吉王淮贊

侮法受賄吉賊少乃伏誅淮以參政沔之弟盜主守財至
千萬止杖仍復其官非不平而何太宗以問沔沔頓首謝
卽拜準左諫議大夫樞密副使改同知院事準與知院張
遜數爭事上前帝怒謫遜準亦罷知青州及馮拯等上疏
乞立儲貳始召還帝曰朕諸子孰可以付神器者準曰陛
下爲天下擇君謀及婦人中官不可也謀及近臣不可也
惟陛下擇所以副天下望者帝曰襄王可乎準曰知子莫
若父願卽決定遂以襄王爲皇太子京師人擁道喜躍曰
少年天子也帝聞之召準曰人心遽屬太子欲置我何地
準再拜賀曰此社稷之福也真宗卽位遷尙書工部侍郎

新續涇西縣志 卷八 鄉賢傳

五

帝久欲相準患其剛直難獨任以畢士安參知政事踰月
並命同中書門下平章事時契丹內寇小不利輒引去準
請練師命將簡驍銳據要害以備之契丹果大入急書一
夕凡五至準不發飲笑自如明日同列以聞帝大駭問準
準曰陛下欲了此不過五日爾因請帝幸澶州同列懼欲
退準止之令候駕起帝難之欲還內準曰陛下入則臣不
得見大事去矣請毋還而行帝乃議親征召羣臣問方畧
參知政事王欽若請幸金陵陳堯叟請幸成都帝問準準
心知二人謀乃陽若不知曰誰爲陛下畫此策者罪可誅
也今陛下神武將臣協和若大駕親征賊自遁去不然出

奇以撓其謀堅守以老其師勞佚之勢我得勝算矣奈何
乘廟社欲幸楚蜀遠地賊乘勢深入天下可復保耶遂請
帝幸澶州及至南城契丹兵方盛衆請駐蹕以觀軍勢準
固請曰陛下不過河則人心益危敵氣未懾非所以取威
決勝也且王超領勁兵屯中山以扼其要李繼隆石保吉
分大陣以扼其左右肘四方征鎮赴援者日至何疑而不
進衆皆懼準力爭之不決出遇高瓊于屏間謂曰太尉受
國恩今日有以報乎對曰瓊武人願效死準復入對瓊隨
立庭下準厲聲曰陛下不以臣言爲然盍試問瓊等瓊即
仰奏曰寇準言是準曰機不可失宜趣駕瓊即麾衛士進

新續涇南縣志

卷八

鄉賢傳

七

鞏帝遂渡河御北門城樓遠近望見御蓋踴躍歡呼聲聞
數十里契丹相視驚愕不能成列帝盡以軍事委準準承
制專決號令明肅士卒喜悅敵數千騎乘勝薄城下詔士
卒迎擊斬獲大半乃引去上還行宮留準居城上徐使人
視準何爲準方與楊億飲博歌謔懽呼帝喜曰準如此吾
復何憂相持十餘日其統軍撻懶督戰中弩死乃請盟準
不從使者請益堅帝將許之準欲邀使稱臣且獻幽州地
有譜準率兵以自取重者準不得已許之帝遣曹利用如
軍中議歲幣曰百萬以下皆可許也準召利用至幄語曰
雖有敕汝所許毋過三十萬過三十萬吾斬汝矣利用至

軍果以三十萬成約而還河北罷兵準之力也王欽若深
嫉之一日會朝準先退帝目送之欽若因進曰陛下微寇
準爲其有社稷功耶帝曰然欽若曰陛下聞博平博者輸
錢欲盡乃罄所有出之謂之孤注陛下寇準之孤注也由
是帝頓準寢衰明年罷爲刑部尙書知峽州真宗得風疾
劉太后預政于內準請問曰皇太子人所屬望願陛下思
宗廟之重傳以神器擇方正大臣爲羽翼丁謂錢惟演佞
人也不可以輔少主帝然之後罷爲太子太傅封萊國公
卒諡忠愍皇祐四年詔翰林學士孫抃撰神道碑帝爲篆
其首曰旌忠史

新續涇南縣志

卷八

鄉賢傳

七

明薛敬之字顯思仕西南里人生有奇狀言動即與人異
爲諸生出入周旋必從繩墨文不逐時好成化初貢爲太
學生遭外內喪徒跣奔哭雨雪不避一時推重稱爲關西
夫子後謁選尹太宰異其文與人拔授應州知州勸民耕
稼紡績有艱于耕種納賦及不能婚嫁者皆助之務積蔬
粟不三四歲積粟四萬餘石乾蔬數萬餘斤應民賴是免
于饑饉其既窳復歸者三百餘家皆葺其廬與之衣食以
處之山有虎爲文以祭旬日虎死于壑蕭家寨有水患亦
爲文祭之水即順軌掘金華知府致仕歸敬之嗜道若飴
老而彌篤自言得力于周蕙陳雲遠其事周也鷄鳴起俟

門敬入灑掃設坐跪以受訓

南大吉字元善號瑞泉田市里人教諭金長子弱冠成進士授部郎嘗條上保定釐革四事建議漕運督臣歲入會議永為故典擢紹興府知府擇任丞史期月政舉決疑獄戮巨盜懲豪猾公私請託不行由是中傷罷歸構滄西草堂教來學出其門者多聞人子輟軒轅皆名諸生輟輟罹地震之變幹卒後始生企仲

關學編曰瑞泉先生從王文成公遊大悟口人心果自有聖賢也奚必他求嘗謂文成曰大吉臨政多過先生何無一言文成曰何過先生歷數其事文成曰吾言之

新續渭南縣志

卷八 鄉賢傳

七

矣先生曰何文成曰吾不言何以知之先生曰良知自知之文成曰良知却是我言先生笑謝而去居數日數過加密來告曰與其過後悔改不若預言無犯為佳也文成曰人言不如自悔之真又數日復自數過益密曰身過可勉心過奈何文成曰昔鏡未開可得藏垢今鏡明矣一塵之落自難住脚此正入聖機也勉之暨罷官後致書于文成以得聞道為喜急學問為事恐卒不得為聖人為憂畧無一字及于得喪榮辱之間文成嘆曰此非真有朝聞夕死之志者未易涉斯境也

南逢吉字元真號姜泉金次子也同兄大吉師事王陽明

先生所詣益遠泊歸陽明遺之書曰關中自橫渠後有所振發興起者必自元善昆季始後所化誨果彬彬多聞人學者溯所依歸率稱曰二南先生云逢吉成進士授儀制郎會肅皇帝議太廟明堂諸大典大宗伯每以草屬逢吉悉當上意外任保甯雪積冤蘇隱瘼率用嚴治暇萃諸士之俊督教之一時得人為盛漸擢至鴈門兵備道日以忠義激發三關將士勤習陣法條上備邊五事俄而罷歸逢吉性至孝師事兄竟其世盡以父兄所貽讓孀嫂而教其孤孫成進士乙卯渭上大震令死惡少訂諸欲逞者抗足觀望逢吉收壯士礮首事者一人而定有夜持數百金匿

新續渭南縣志

卷八 鄉賢傳

七

逢吉所者其人亡逢吉盡首之官李錦字仲白叢桂里人磊落光明知過必改與高陵呂仲木友以舉人仕宿遷知縣務德化興孝弟崇本抑未扶弱鋤強不為煦煦小惠擢海州知州以不阿上官罷歸疾革時正巾危坐命子儒鼓琴操顏回嘆曰我道固如是也案李錦暨表貞王麟李穎栗四人舊志均列儒林考其生平洵屬不愧即予崇祀豈曰非宜

薛騰蛟字時化弱冠從二南先生談名理之學嘉靖進士授長治令定官方均賦役振廢墜恤鰥寡政平民阜富人子鄭餘良張珠等當大辟咸以千金行貴人關說蛟執不

聽凡清廐傳汰里甲蠲苛征定藩祿省幾數萬金竟以亢
直遷南戶部主事督儲稱平分巡川東捕大盜朱洪受袁
廷佐等殆盡征苗之役轉饒以時人人用命俘斬七百級
擢山西叅議遷副使駐節楊和中丞某庇私人多殺無辜
蛟數翻異之比右衛被圍急令蛟講解蛟持不可中丞恚
甚謂蛟不宜邊郡徙內地蛟嘆曰吾骯髒自天性卽內地
安往不齟齬耶遂不復仕垂老不干公府不迂鄉里敦倫
篤義輕財好施於經義多發明詩書尤備自號南岡
裴紹宗字伯修臨渭里人斐孫以進士除海門知縣紹宗
爲人樸而勤不修容儀遇事敢爲無所畏避武宗南巡時

新續渭南縣志 卷八 鄉賢傳

三

攝江都縣事張忠姜彬等皆人所莫敢犯者紹宗獨與之
抗不少屈忠輩亦不敢易而干之嘉靖初仕刑科給事中
議禮事抗疏糾論咸人所不敢言者下錦衣獄以
掠重創甚卒貧不能治喪後贈光祿少卿蔭其子長初爲
國子生

南軒字叔後逢吉長子嘉靖進士仕考功員外郎攝計事
分宜姻夏子開爲守以貪聞軒削其籍分宜銜之後仕至
山東叅議地多盜藪軒修保甲法桴鼓不聞墨吏憚軒威
威望風解綬年六十致仕歸建義倉振貧乏焚質券舉
馮孝廉葬卹劉司馬娶其尤著者也詩文繩墨古人而有

獨詣字法張顏好學垂老不倦歿之夕猶賦遠期篇以昂
子師仲命酌長陰而絕年八十有一

孫一正字格卿從二南先生遊嘉靖進士由戶部主事漸
擢至山西副使所蒞有聲穢妖婦于井陘授叅政時雲朔
多警一正拊民振伍卓有方畧後爲順天府尹振綱剔蠹
部內肅清會楚撫缺員政府楚人也欲一正往一正婉辭
之遂病免有勸通刺當塗以冀用者一正曰免官謂何而
復通刺耶笑置之性貞毅不爲威利所移媿阿者遠之若
溺于端人貞士締交恐後篤于孝友視諸姪若子處姻黨
睦愛有情其天性然也

新續渭南縣志 卷八 鄉賢傳

三

裴貞字一卿號靈陰臨渭里人生而端嚴垂髫篤于學不
爲章句習後從南瑞泉遊會良知之旨諸生莫敢雁行以
貢授修武教職歎曰性學不明士習日墮卽訓誨諸生亦
不過爲升斗計耳何如結廬渭濱研求精詣以竟吾所欲
言者耶不就里中士多從之遊于學無所不窺尤深于易
王麟字季靈辛市里人爲文務說理不事雕琢從南瑞泉
姜泉遊學益遂從學者衆稱爲石鼓先生嘉靖中選貢麟
試第一以友劉鳳池母老又甚貧遜劉尋當歲貢又選友
高遷人稱其義居嘗寡言笑處家人泊鄉黨和而有禮然
舉動甚介然也

南憲仲字子章軒次子萬歷甲戌進士授瓊強令至即著
親民進規條陳興革大者十事施行之邑城卑薄被寇益
允請於上爲規修計不疲民不費帑稱保障焉至裁豪橫
發隱盜斷武邑甯晉之疑獄則又非第境內利賴已也上
官重之檄覈邊不一月遍歷紫荊等關凡斥埃增修軍餉
羸縮將領賢不肖悉當未及遷擢遽卒生平敦篤道義砥
礪名節性豪度坦望之藹然至執法操行屹不可犯居官
三年薦書八上比終獨琴書數種而已

楊光訓字汝若萬歷丙戌進士授南充令下車即詢利病
興廢之後任閩中興學賑荒不擾民間爰書不煩胥吏累
新續渭南縣志 卷八 鄉賢傳 三

雪冤誣稱神君焉擢山東道御史督課兩淮鹽政一清發
劉世延詐冒罪之時三殿災上書極陳時政闕失言多批
逆尋改巡漕奏河漕歸併一臣劾田中秘虛妄魯少監遣
查之罪東省稅使馬堂以峻刻激亂清源光訓單騎往諭
罪首事者一方安堵疏罷礮稅備陳蠹國之害已而長陵
朋樓燬再上修省實政言更剴切仕至順天府丞光翻生
平直諒多大節與人交以道義相終始事伯父母如其出
子諸生攀繼卒無後

孫瑋字純玉一正姪進士授行人司行人行取兵科給事
中彈司禮東廠太監擅受民詞中官銜之聞母病瀕危請

告未得旨星馳西還降湖廣桃園縣主簿入爲兵部主事
七歲七遷至太常正卿時部推多留中而瑋得旨較易人
人訝之神宗嘗曰是以母病罷官者也因諭公主駙馬曰
孝學孫瑋仕至吏部尙書爲閩黨所忌既卒仍劾奪其官
至思宗時妻南氏伏闕陳情始贈太保謚莊毅焉

東林列傳曰瑋爲保定巡撫嚴法令剔蠹獎節浮費廣
儲蓄摧強扶弱民賴以安時滹沱水溢從隸勸瑋乘船
以避瑋不可擇署中稍高處居之曰水至此惟有死耳
水僅及床足而止衆服其持重暨爲兵部尙書管左都
御史事瑋清廉不受餽遺督倉管察皆有聲譽又性忠

新續渭南縣志 卷八 鄉賢傳 三

純敢直言極諫會星變因上疏其畧曰陛下有綏惠之
仁而奉行者無愛民之實政陛下有綜核之智而任事
者無體國之實心如吏治清矣而闖茸庸流齷齪小輩
未盡汰也財用節矣而冗食積蠹冒賞積奸未盡革也
苞苴風息而營謀干進者尙多驛傳省費而剋剝取媚
者猶衆北邊稱貢矣而邊民之困於飢寒者無投石超
距之歡廣寇稱平矣而生靈之斃于干戈者有玉石俱
焚之慘蠲租之詔屢下而以培克爲能者竭澤而漁歛
恤之命屢頒而以搏擊爲事者向隅而泣諸若此類上
干天和惟陛下猛力回心朝乾夕惕仍勅諭各衙門崇

尚本實洗滌舊染大臣懷翼翼小心之忠小臣持蹇蹇
匪躬之節所謂應天以實不以文者在此疏入報聞會
應天巡按荆養高與督學御史熊廷弼相訐朝議欲獨
罷養高瑋按法兩斥之楚人之論紛起累疏乞歸至二
十四疏溫旨慰留是年七月出城待命十月乃允歸天
啟元年起南京吏部尚書明年改北刑部未任再陞北
吏部尚書仍掌左都御史事時朝政漸亂閹寺擅權屢
以母老乞歸不允尋卒於官方瑋未卒之前一日效古
人尸諫遺疏上陳謂今天災迭見民不聊生內而城社
可憂外而牖戶未固法紀凌遲人心瓦解陛下欲圖治

新續渭南縣志

卷八

鄉賢傳

誥

平莫如固結人心欲固結人心莫如汲用善類如輔臣
劉一燝憲臣鄒元標尚書周家模王紀孫慎行盛以弘
鍾羽正侍郎曹于忭詞臣文震孟科臣侯震賜臺臣江
秉謙寺臣滿朝薦部臣徐大相等並老成丰度蹇諤英
姿而匏落林泉跼伏草野陛下若聽臣言漸次簡擢必
能任昭德塞違之責效拾遺補闕之長振飭紀綱提醒
聾聵以爲陛下收拾人心尤望陛下寡欲以保聖躬勤
學以進主德優容以廣言路明斷以攬大權天意可回
民志可定疏入上竟不報魏忠賢用事斥爲東林黨人
矯旨削奪爲民瑋聲色貨利一無所嗜當官守法務在

鈞抑強梗不爲瑣屑科條居常恂訥寡言及當大謀議
衆相視莫敢發獨守經據古片言取決而於取予去就
尤嚴兩辭家宰堅請投閒以名分定儲皇之位蓋老成
正直君子也

南師仲字子興軒第三子兒時凱母裴懷中值地震屋塌
裴狼狽捫隙出失之明日乃自匍匐出焉乙未進士官翰
林院至禮部尚書師仲素癯而目睛炯燦較錄至夜分不
倦器量宏雅接應率真工古文辭輯王允甯文集三十八
卷劉東陵集十卷兄憲仲集三十六卷及關中文獻志成
父未竟之業

新續渭南縣志

卷八

鄉賢傳

誥

南企仲字伯稗大吉孫萬歷進士任刑部頤面美鬚髯遇
事有裁決客寓資其家夫婦並歿企仲呼其子還之吏部
孫丕揚以爲賢調爲己屬神宗詔免礦稅釋繫囚錄建言
貶斥諸臣既而悔之企仲請亟如詔奉行帝怒削其籍以
趙南星薦起用至南京戶部尚書告歸李自成破城遇害
贈太子太保
南居益字思受少厲操行萬歷進士由刑部主事漸擢至
右副都御史巡撫福建紅毛夷據澎湖求市且築城巡撫
商周祚拒之不能靖會居益代周祚賊方犯漳泉招日本
大泥咬啣吧及海寇李旦等爲助居益使人招旦說擄大

泥咬啣吧賊帥高文律懼遣使求款斬之築城鎮海港逼賊賊窮蹙泛舟去遂擒文律患乃息遷工部右侍郎總督河道魏忠賢銜居益敘功不及已格其賞給事中黃承吳復論居益倚傍門戶躐躐通顯遂削籍聞人詣闕訟之不聽乃立祠以祀勒碑於彭湖及平遠臺崇禎元年起戶部右侍郎總督倉場陝西鎮缺餉至三十餘月居益請以陝賦當輸關門者留三十萬紆其急報可畿輔戒嚴居益在通州爲城守計甚備以疏掾郎中王守履削籍歸尋叙城守功復冠帶李自成陷渭南誘降不從擁之去加炮烙終不屈絕食七日而死

明史

新續渭南縣志

卷八

鄉賢傳

美

南居業字思誠穎慧絕人方就傅未授爲制舉義以意試爲之置几上父疑爲程式文乃大奇之中萬曆甲辰進士天啟初薦授禮部主事數月告歸棄書自娛者二十餘年同輩列九卿意澹如也城破與居益同時遇害贈太僕寺少卿著詩文數十卷皆能效法古人書亦遒勁有晉人風

善

孫琚字成玉一正子進士授東光令調翼城擢工部主事與利社黨以愛民爲心東光人祠祀之居家孝友接鄰里篤厚其外溫然如玉至一切紛華事殊能不動念也邱應高字子登豐慶里人有名諸生中一時才俊咸出其

門平易搗謙不忤於俗比鄰化之人無競心以子民仰貴封貴州道監察御史

史記事字義伯水手里人萬曆進士任介休榆次二令發姦如神以廉明稱擢御史按楚尤多異政仕至光祿少卿值黨人用事以書規諫臣觸忌罷歸講學里中考訂禮樂立義倉作隄障里人德之著書二十餘種其章奏久隔乞防微漸暨畿民四極堪憐堪憂快瞻聖節休聞天戒三疏尤足見其直言敢諫云子若璣鴻臚序班能讀父書居敬不苟疊辭鄉飲不至著有理學淵源

新續渭南縣志

卷八

鄉賢傳

美

書任河南府時修理福府百方調停居民賴以安堵事竣查鞏雜助工稅銀三萬並陝西河南協濟銀五萬申請具題概免他所歷之地輒有建豎士人德之子志字士伊博學能文無貴介氣尊父執睦族黨每春月必出粟周濟惜年不承

李穎栗字相之叢桂里人父書田爲名諸生訓之甚嚴故穎栗自少卽舉止恭敬貢入成均益研精性命從富平孫立亭家宰講格物之學稱高足立身峻潔陋巷蕭然不以屑意也家貧事親必具甘旨委曲養志終始如一葺書院於瀆川名曰川上書舍墻院房屋俱圓形廣輪五畝旣成

四方士多從之者貧者資之衣食邑王令九敘高其品時
造廬訪榜其門曰理學正傳謁選授河南磁州州同司驛
傳磁當孔道支應良苦有臺使陸假符過磁不應檄巡撫
推究穎栗正言以對撫壯之自是相戒不入磁民賴以甦
卒後門人私謚曰貞靖先生

劉芳字爾聲下邳里人進士仕行人與魏大中同寓以名
節道義相砥礪使衡鄭二藩謝絕筐篚授湖廣道監察御
史劾遼左諸臣陳屯田錢法四事皆報可至劾史輔之姦
朝論尤壯之巡視北城劾與販中官任兆元等論如法較
下肅然巡視厥庫舊例科院分日進署姦商叢弊芳捫同

新續渭南縣志

卷八

鄉賢傳

五

日進署議由是姦弊莫施巡按直隸督長蘆鹽課摘陳鹽
政六款皆切中時弊又疏解鹽法專委解官著為令貧竄
無累焉山東經白蓮教亂兵旱相仍請免鄒滕七邑歲額
山左以安魏璫干政繼楊漣劾之削籍歸思宗卽位起原
官奏草無存惟條陳時政一疏在耳芳孝以色養忠則盡
瘁處變夷然教子言不及利至代輪以蘇里開築堡以集
比鄰置學田立義倉皆其小焉者已

南居仁字思敦企仲次子天啟壬戌進士翰林院庶吉士
授編修歷中允諭德祭酒豫州失守疏陳慎選師儒發明
節義又召對平臺陳東事皆如其言擢詹事府詹事仍營

國子監事侍經筵卒贈禮部侍郎居仁孝友溫恭扶危濟
困人歸義焉

邱民仰字長白萬曆中舉於鄉以教諭遷順天東安知縣
釐宿弊十二事河蝗為災文以禱之河他徙蝗亦盡調任
新城崇禎二年縣被兵晨夕登陴守四方勤王軍舉出其
地調度有方民不知擾擢御史號敢言時四方多盜鎮撫
率怯懦不敢戰釀成大亂山西巡撫宋統敕下令殺賊者
抵死民仰先後疏論其非後皆如民仰言十三年擢右僉
都御史巡撫遼東錦州被圍聲援斷絕總督洪承疇集兵
民仰轉餉未發帝憂之命郎中張若麒就行營計議若麒

新續渭南縣志

卷八

鄉賢傳

五

至則趣進師次乳峯去錦州五六里 國朝兵掘松山斷
歸路遂大敗退保松山且半年外援不至糧竭城破承疇
降民仰死贈右副都御史

明史

楊自謙字益之北志道里人崇禎癸未進士鄉舉出邑令
楊暄門暄死于賊自謙為僧裝收其尸殮之賊徵在籍紳
士授偽官自謙匿地穴中求之不可得 國朝定鼎後徵
不起數十年足跡不入城市誠志節之士也哉

案南志載諸隱逸深以未崇祀典為惜特補入此傳
劉懿宗字孟常侍御芳長子幼卽不與羣兒嬉戲就外傳
進止悉中禮法塾師異焉壬午領鄉薦李自成陷渭南聞

懿宗名徽偽令促之出不至且死懿宗匿南山中賊購愈急弟矩宗見偽令請以身代有僕秦首郡者乞與主同死偽令異之曰弟代其兄僕從其主何家之多義也縱令逸去國朝定鼎後始歸移家於李家堡順治六年復遭亂兵焚堡懿宗爲賊得其妻妾二女及一乳姬並投井死懿宗陷賊中賊心知非常人誠其黨勿敢襲會邑人爭輸金以贖賊竟却其金而歸之累辟不起舉博學鴻詞科不就自題其室曰寓菴以見志顧徵君炎武語人曰涓陽劉孟常清風高節不在黃江夏郭介休下也

清雷電字而章邑諸生天性孝友親歿哀毀骨立既葬瑞

沂續涓南縣志

卷八 鄉賢傳

三

木繞墳人以爲誠孝所感云子天壯工爲文

王瑤字玉池舉人元續子孝友而嚴正以進士仕福建光澤知縣有富人挾嫌誣諸生某者瑤懲富人而理其枉焉富訴諸上官役至辱生瑤痛杖其役至他獄獄不事刑求惟委曲訓導而已捐資立杭川書院以課士子葺洪濟橋以利商民值臺灣軍務不擾閭閻而所需無不立備以卓異薦請歸養父遂不復出歎歲閭里中多逋賦也代輸之復建義倉以濟貧乏其族人負瑤欠至百金者悉焚其券歿後光澤人德之祀名宦焉

新續

唐若時字元登號壽泉仕東北里人家貧嗜讀耕自給中雍正丙午解元其父韓與之同榜乾隆元年成進士仕廣東鶴山新安海陽三縣知縣興利除弊接士庶以誠履平反大獄上官悉倚重焉緣事降山東高唐州判復授蘭山知縣抑豪強緝巨盜均徭役清稅課以孝弟教民民甚德之名所鑿井曰唐公井立生祠以祀諸城劉文正相國重其品宋給諫澍語人曰唐君宰吾邑真摯愛民非他人所易及也病歸家無餘貲幼喪母爲祖母韓育色養備至及歿哀毀骨立髭髮爲白性端嚴私室必敬睦族鄰尤敦故舊有友死于蘭山無所歸爲買田數十畝置守塚焉

新續涓南縣志

卷八 鄉賢傳

三

王松年字鶴汀瑤次子嗣舉人瑤後者也以拔貢任禮縣訓導庚申辛酉聯捷成進士仕工部河工工程銷算宜先奏明尺丈不得僅有段落者由松年始也時河南題估案內未盡如例擬準估辦而更查取漏奏職名亦松年爲更正之曹司罔不畏焉由主事洊擢至本部郎中授御史巡視山東漕務又巡視東城稽查倉庫終刑科掌印給事中在諫垣者六年御史某及陝撫某爲所劾其最著者也京師故有渭南會館明南司空劉侍御所建松年合邑人修之復爲立之新館歸置義學義田以教養族人又以千金付典商生息備邑人鄉會試之資其奏慎揀首邑並繁缺